

V I E N N A



VIENNA, Australium ciuitatum, regionisq̃ue Metropolis, ad flumen Danubium sita, qui medius Austriam secans, sexaginta amnibus ferè nauigabilibus auctus, in Pontum vastis sex fluminibus euoluitur, memorabiles & maximi nominis vrbes alluit, quarum omnium opulentissima, ac vetustissima Vienna, cuius appellationem alij ab antiquo eius nomine Flauiana, alij à paruo flumine, quod inter ciuitatis suburbia labitur, deducunt: Olim etiam Iuliobona & Vindobona vocata. vrbs hoc tempore clarissima, inexpugnabili murorum ambitu, præaltis fossis, aggere, & vallo cingitur: Mœnia deinde spissa & sublimia, frequentes turrets, & propugnacula ad bellum opportuna habent, vt sola Vienna, vnicum sit Christianorum contra Turcarum furorem propugnaculum & munimentum. Hæc autem mœnia, ex ea pecunia sunt ædificata, quam Richardus Angliæ Rex, ab Austriæ Duce captus, in sui redemptionem persoluit, afferente Cuspiniano in vita Henrici VI. Suburbia maxima sunt, & ambitiosa, ædes ciuium amplæ, area, & picturis ornate, structura solida & firma, altæ domorū facies, magnificæq̃; visuntur. Templum Deo, Sanctisq̃; dicata, & ampla, & splendida sc̃cto lapide constructa, per lucida sunt, & columnarum ordinibus admiranda, quorū principem obtinet locum nobile S. Stephani fanum. Cellæ Vinariæ adeò profundæ sunt & spatiosæ, vt sub terra non minus, quàm supra terram ædificiorum apud Viennam esse fertur. Platearum solum stratum lapide duro, vt neq̃; plaustrorum rotis facile conteratur. Annonæ, & potissimum vini, incredibilis copia, adeò quidem, vt ducentos & mille equos quadraginta dierum vindemia exerceat. Omnium facultatum Vniuersitate, in quam honorum & Poëseos conferuntur insignia, nobilitatur: quam Fredericus II. Imp. Aug. Anno Salutis M.CC.XXXVII. ex Romana & Parisiensi instituit. Anno Domini M.D.XXIX. Solymannus, ferox Christianorum hostis, confertissimo exercitu hanc urbem adortus, immanisæuitia eam obsedit, & muralibus labefactatam tormentis, quater cum maxima suorum strage oppugnauit. At tandem XXI V. obsidionis die, spe potiundæ vrbis reiecta, exercitum suum abduxit.

B V D A



BANVBI VS omnium, quos Europa habet, fluuiorum maximus, mediam Hungariam interfuit, eamq̃; in partes, nempe in Citeriorem, & Vltiorem scindit. Citerioris Hungariæ caput est BVDA, Regni auita sedes, sic denominata, vt plerique existimant, à Buda conditore fratre Attilæ Regis, vel, vt alij scribunt, à Budinis Scythiæ populis. In hac vrbe Sigismundus Rex superbissima statuit ædificia, ex ædificauit quoq̃; in arce Palatium, multum Romanæ referens antiquitatis: muro arcem obduxit, ambulacrisq̃; amœnissimis exornauit, in media ferè arce, turrim amplissimam fundauit ex quadrato lapide, sed morte præuentus, initum opus non absoluit. Ex altera Danubij ripa, in Pestana ciuitate, quæ è conspectu est, molem posuit, in arcis obiectis speciem, vt hinc supra Danubium perpetuo ponte arcem vtramque coniungeret. Verùm mors inuida tam superbi operis initium intercepit. Quod si facere potuisset, Traiani pontem, quem in superioris Mysiæ ripa quondam ille fecerat, proculdubio superasset. Porro, Pestum 30. millibus passuum à Vatia, in eadem ripa, atq̃; in Budæ nouæ conspectu situm, à Pestanis fortasse militibus, vigente quondam Imperio Romano, ædificatum est. Hæc Munsterus. Si vrbis situm inspicias, ex parte montosa, & validis est propugnaculis firma, vt nec quicquam munitius, nec amœnius, in tota fermè Hungaria inueniri possit. Publicis, priuatisq̃; ædificijs ornatissimis, præcæteris in ea regione vrbibus, clarissima. Agrum habet variorum fructuum vbertate luxuriantem. Nunc verò, non sine maximo Christianorum detrimento, à Turcis Buda tenetur, qui eam Anno Domini M.D.XXIX. inuasērunt.